

福建通志

第壹拾肆冊
公署

福建公署志卷一

福州府 閩縣 侯官縣

萬壽亭在九仙山巔清康熙五十二年福建士民建爲階三重建亭其上鐫萬壽無疆四字於穹碑以爲祝釐之所

萬壽宮在府治西門大街清乾隆二年建爲朝正祝釐之所

總督部院署後稱閩浙總督部堂在宣政街西宋爲提刑司署明道初提刑劉立之建乾道間增置武提刑淳熙間葉南仲始分公宇爲東西廳元爲肅政廉訪司署以東廳視事以西廳爲南臺監察分治行司明洪武二年改爲福建提刑按察使司十七年僉事謝肅建福寧道署於儀門東以舊分治行司爲察院巡按御史居之正統五年移福寧道署於錢局移察院署於東街其地皆本司前此大門東折天順三年按察使胡新更大門於儀門之南以舊大門前地易民居關東爲衢成化元年按察使馬文昇復營民居關廣衢西出弘治以後按察使李圭夏景和陳珂劉遂相繼營

葺拓其隘陋更爲闕敞門始南向清順治十八年總督李率泰移駐於此
原署在東門街今爲鎮關將軍府康熙二十年總督姚啓聖市民居拓南數十步建牙置

轅門乾隆五十七年燬於火總督伍拉納重建舊有熙春亭藏春亭俱宋
嘉祐間提刑王陶建藏春後更名留春 繡衣亭嘉祐間建後更名薰風

幸堂熙寧五年提刑宋道建道自爲記 樂圃提刑俞向記熙寧五年

宋公嘗爲幸堂記予宣和己亥詢幸堂所在今易名虛靜是也自虛靜之
北園館連屬明年更繕完之名其北曰憲堂南曰澄清庭之南有二木樨
故亭其下曰雙桂回廊之外左右二亭東曰熙春西曰藏春熙春之東樓
頗宏麗時可奉親爲游覽之地目之曰斑衣藏春之西有樓遍植荔枝命
之曰荔枝左右二沼手植瑞蓮名曰清逸虛靜之東曰幸軒幸軒之左乃
治事之便室小山聳翠題之曰山齋 仁亭淳熙間建於東西廳之間

憲堂後更名中慶東有小軒曰靜寄 斑衣樓後更名宿雲樓 雙榕亭

在宅堂後 櫺木亭在西廳 天眼堂在聽政之廳明洪武間按察使陶

屋仲効布政使薛大昉貪墨大昉亦誣屋仲並逮至京屋仲得直還職土民迎者數萬人歡聲雷動有陶使再來天有眼薛潘不去地無皮之謠後人因名其堂

巡撫都察院署後稱福建巡撫部院在福星坊嵩山麓其地爲閩五州諸侯館宋時尚書王祖道宅明洪武初爲附馬都尉王恭公署正統間鎮守內官居之嘉靖初改爲提學道署倭訐閩中朝議設巡撫開府於此四十四年燬於火隆慶元年巡撫塗澤民重建萬曆三十二年巡撫徐學聚市西北民居拓之三十九年巡撫丁繼嗣再葺清因之觀亭在後園明成化間巡撫張瑄建耐煩對境亭在東偏萬曆間巡撫耿定向建書耐煩說於亭額

提督學院署在南門大街東舊貢院地也其前古府學杏壇之址明洪武十七年布政使薛大昉割以益貢院成化七年遷建貢院於屏山之下遂改創爲察院署嘉靖二十七年改爲公館按嘉靖十四年提學江以達撤

鎮守所而新之三十七年闢爲都察院巡撫御史居之後爲提學道萬曆
四年改爲清軍察院十一年副使耿定力葺爲提督學校公署二十七年
礦稅太監占之後改爲督學道署明岳和聲有來復堂記略云和聲以丁
巳受事署改爲清軍院清軍變爲鎮守鎮守改而爲學署學署變爲稅監
稅監復改而爲學署後之君子居斯堂者試從此見天地之心焉院工始
於戊午十一月訖己未四月改創樓三楹顏曰元暢增置良隅精舍四楹
新其內堂而顏之曰來復大堂後軒一楹顏曰信斯遷神祠於坤方闢賓
館於巽隅創八閘師表坊於衢左此皆純用鼎者西則受益堂三楹東則
荔香館三楹方鑑亭一區有池池之外則文武官師弟子胥吏所憩輿人
隸人所棲凡十二楹原有文館在烏石山北清燬於火地廢爲城守營乃
於署中置東西文場試士左有逢源亭西有友清軒清陸求可有記清康
熙五十七年督學李鍾義葺而新之李鍾義有記略云由宅門而內爲宸
覽堂由堂而東爲思過堂前爲翼經堂又前爲逢源亭由思過堂而後書

房四楹踵故制而略更新者也堂西友清軒老屋三楹居然完好此則舊
賢之獨仍者也俞開甲有友清軒補種松竹梅記我湖心齋沈公植松竹
梅於使院之西偏扁其軒曰友清蓋在康熙甲申距今六十年矣雍正九
年督學戴瀚葺文場而新之乾隆十七年郡人候補員外郎何際述捐建
東西考棚

布政使司署在子城坊富三山之中後枕越山前案方山州自嚴高初作
郡宇暨爲刺史加都督進節鉞改廉帥皆號會府唐爲都督府又爲觀察
使衙乾寧錫軍號威武爲威武軍節度使衙遂作重鎮五代梁爲大都督
府閩王氏時改作踰制錢氏納土於宋悉廢之獨明威殿存守臣避不敢
居以爲設廳凡勅設宴集乃就焉而卽其西建大廳以爲視事之所慶曆
六年郡守蔡襄重建設廳創曰新堂嘉祐四年郡守燕度建安民堂於大
廳北後更爲燕堂建炎三年改鈐轄爲安撫使以設廳北曰新堂爲安撫
廳使宅在燕堂之西南宋末端宗卽位於閩以設廳爲垂拱殿元或爲行

省或宣慰司更置不常明洪武初爲福建等處承宣布政使司正堂扁曰宣政後改政本後堂扁曰退思後改紫微左右布政使宅在堂西清因之儀門舊有樓歲久傾圯康熙二十年布政使佟康年修建雍正十年內署火布政使潘體豐重建乾隆二十八年布政使曹繩柱修道光十六年正月民房延燒署內不戒於火布政使陞任貴州巡撫賀長齡奏請借廉重建七月召匠興王委邵武同知加知府銜陸我嵩糧捕通判陞福防同知文燦藩司通吏在籍候選縣丞姚桂廣積庫大使黃琮董其事十七年正月落成是年布政使吳榮光再任作來復君齋並立布政使題名碑凡四石吳榮光記題名碑略云碑自順治三年分左右布政司兩官至康熙六年專設布政使一官以迄於今姓名籍貫出身具載其不可攷者闕以俟之

舊大都督府門唐上元二年創錢氏歸宋凡爲世門額悉廢惟威武軍門大都督府門仍舊慶曆八年成戰修列戟十有四謂之儀門亦曰衙門舊

額蔡襄書後張致遠重書郡廳宋天聖閒郡守章頻建亦名蔡應御書閣
天聖閒郡守鄭載建小廳景祐閒郡守范亢建後更名清和堂春野亭雙
松亭俱蔡襄建隸書額逍遙堂皇祐閒郡守劉夔建九仙樓熙寧閒建以
其面九仙山因名樓下東西二閣舊清風樓爽心閣卽此後名東閣爲賞
心閣西閣爲五雲閣後余深典鄉郡更名衣錦閣坐嘯臺熙寧閒郡守程
師孟築初名玩月宣和閒俞向以得象亭材創更名月榭武備堂元豐閒
郡守劉瑾建又創架閣庫甲仗庫飭齋在燕堂西無元祐閒郡守林積作
機閣於其上怡山閣在坐嘯臺東舊荔支樓望雲樓閱射亭之地元祐閒
柯述建止戈堂建炎四年寇起郡守程邁乞師於朝命孟庾韓世忠討平
之更名武備堂曰止戈堂眉壽堂紹興閒郡守張浚爲母秦國夫人建威
武堂在忠義堂西嘉祐閒郡守蔡襄建并書額紹興十二年郡守程邁修
萬象亭紹興閒郡守葉夢得創於燕堂之北懷隱庵在舊威武軍內紹興
閒郡守葉夢得創沈适有懷隱集載居山之式後歸休於夢溪夢得慕之

因以名庵庵東西有亭曰歸意曰悅柏修令堂乾道閒郡守王之望立額堂之後有自公堂雅歌堂和樂堂真乾道閒郡守王之望建誠心堂元至元閒右丞蒙古歹建省廳因創此廳

經歷司在署左都事廳在署左照磨所在儀門外架閣庫 廣積庫俱在司內龍亭庫在布政司儀門外東南

譙樓在儀門南卽威武軍門唐元和十年觀察使元錫建州門乾寧三年升爲威武軍遂爲威武軍門呂權書額宋嘉祐八年元絳更爲雙門上建樓九間熙寧二年始造滴漏有鼓角更點下爲亭以翼之左宣詔右班眷元泰定四年火重建石柱四十四長各二十八尺廣二尺八寸樓高九十八尺深八十一尺廣二百八十尺明嘉靖四十三年布政使陳大賓改建南額曰海國先聲北額曰拱辰萬曆三十九年左布政使丁繼嗣右布政使袁一鶚重修曰全閩第一樓南曰海天鼉柱北仍舊名門直方山五虎對之四柱中門從左門出清順治十八年火石柱俱壞康熙十一年布政

使何中魁重修規制卑狹非前日之舊宋建炎二年江待制常忠明約束
守漏四人分兩番值日貯漏水匱具中候魚珠落銅盤乃移秤刻卽告戶
外報時者諸衙報牌九人以鼓角匠輪差於戶外祇應告報直漏五人分
直五更竝以撾鼓人輪差匱具等物五十日一滌昏時鼓角八人各廿六
聲爲三疊撾鼓八人角聲止乃各撾鼓十爲三通凡三角三鼓而畢四更
三點及申刻各吹角三疊爲小引更以鼓點以鈺銅鈺款識云梁開平五
年歲次辛未七月壬午朔十三日甲午造重百廿斤世傳閩王點卽此也
按察使司署在布政司東新街舊都司署原署在宣政街西詳見總督部
院署清康熙十三年都司缺裁改建於此二十一年儀門火按察使趙進
美重建嘉慶十六年又火按察使劉大懿借帑建

經歷司(在司東)照磨所(在司東)司獄署在司東

糧驛道署在布政司儀門右清康熙三十四年爲清軍驛傳道署雍正四
年驛傳併歸鹽運司改爲督糧道署後仍舊驛務爲糧驛道署嘉慶十二

年海氛不靖改爲分巡寧福兵備道移駐福寧府治海平十九年復改爲督糧道仍駐省城舊署

鹽法道署在布政司西卽宋西外宗正司宋時轉運司在建州其轉運行衙在威武門西南政和間遷轉運行司於府東迎仙館建炎二年寇起移福州紹興二年還建州三年復移福州尋仍舊元更置福建等處鹽課市舶都轉運使司於福星坊內舊福星館皇慶元年始移置今所延祐四年遷使郭朶兒建明洪武初改爲福建都轉運鹽使司後燬於火清康熙二十二年重建今爲鹽運使司鹽法道署乾隆二十八年鹽道徐景熹四十四年鹽道噶爾彌善借帑修

廣盈庫大使廳在署東清雍正七年建架閣庫 廣盈庫俱在司內

福州府知府署在布政司西卽宋安撫司忠義堂春臺館之地慶曆間郡守蔡襄建威武堂手書額元爲臺州萬戶府明洪武二年改建爲福州府二十一年火二十六年知府廖崇德重建堂 爲儀門吏六房在堂下左

右廊儀門外東土地祠西迎賓館又南爲大門獄在大門內之右外門直街百步立坊扁曰宣化東西立申明旌善二亭正德間知府王子言鑿東西二井曰青龍泉萬曆間火署府事同知鍾大成建清順治十八年樹楔燬申明旌善亭亦廢康熙二十八年知府王原直復樹楔三十年堂圯於颶風五十八年知府韓奕重建乾隆四十八年知府永福修嘉慶十四年大風壞十六年知府朱桓借帑修道光十年知府王耀辰重修舊有甘棠院宋開寶間刺史錢昱創其南爲門榜曰甘棠門 夢蝶亭枕流亭臨風亭綺霞亭俱在甘棠院錢昱建 流觴亭嘉祐間郡守元絳建 佚老庵元絳建後改爲隱几又改爲淨名 會稽亭以元公開國會稽召公出守龐籍王公珪范公鎮王公安石司馬公光等五十三人賦詩五十七章以寵其行刻其顯者置壁間 忠義堂治平初元絳建堂東西壁繪像凡四十七人周公一人併社稷忠臣張良以下一十六人節義忠臣申包胥以下一十九人諫諍樊噲以下十一人 熙熙亭元絳建亭畔有池政和初

黃裳更名得象自爲記 春臺館熙寧間郡守元積中更甘棠門爲之

偃蓋亭紹興間帥守張浚理夢蝶亭故址爲之 秀野亭清風亭俱紹興

間郡守張宗元建 州西園在牙門西偏宋時建內有春風亭春臺館諸勝

每以歲二月啓鑰縱士民遊觀閱月而止 光儀堂在縣吏堂側明萬曆

三十九年知府喻政建政自爲記

理事同知署在府治內西偏海防同知署原在府治內東偏清雍正十二

年移駐南臺霞浦街

糧捕通判署在堂西北

經歷司在府治內東偏司獄司在大門內西

閩縣知縣署在九仙山麓舊在閩都坊內明洪武二年知縣路圓玉移建

秀實坊淨業尼寺故址清順治十八年知縣周雍時移建本學廟後改教

諭宅爲署中門外左傍山麓多大石高逾尋丈逕路紆折乾隆十年知縣

李芬鑿石闢地重建大門庭廡始敞四十八年知縣楊希炯修嘉慶十四

年知縣言尙焜領帑修

縣丞署在縣治大門東宋紹興閒林亮功有題名記清雍正十二年移駐營前主簿署在南臺清乾隆四十五年裁福州府照磨改設主簿兼管水利典史署舊在縣東南今移承廳

五虎門巡檢司署在府城東嘉登里今改駐南臺閩安鎮沿海巡檢司署在府城東江右里永慶巡檢司署在尙幹

侯官縣知縣署在官賢坊內唐貞元閒從岳江徙治郡城元至大閒又徙城西舊澄瀾閣故址十六年爲普平章衙明洪武三年復爲縣治二十九年火知縣張繼重建永樂元年復火乃權構以洩事宣德七年主簿張霖典史李偉復建廳宇正統閒知縣梁叔蒙增建穿堂正德閒知縣胡大化修後堂清康熙閒正堂圯知縣姚震重建雍正七年知縣蘇本潔改建大門乾隆五十八年知縣汪光緒嘉慶十四年知縣王桂借帑重修縣丞署在縣治內東清雍正十二年移駐大湖典史署在縣治內東

竹崎巡檢司署在府城西北十六都五縣寨巡檢司署在府城西北十七都
清雍正十二年移駐南嶼

鎮閩將軍署在府城東門大街光澤坊內舊織染局地也初建於府治西
南法光寺東成化十六年提督市舶都知監太監韋查與織染局互易創
建後爲巡按御史署清初爲總督署後改將軍署乾隆九年將軍新桂重
修

督理閩海關署在城外南臺中洲併歸鎮閩將軍兼理

副都統署在府治東通津門北清雍正七年建

鑲黃旗協領署在三道灣佐領署在東門大街

正黃旗協領署在東門大街佐領署在東門大街

鑲白旗協領署在紗帽井佐領署在河東街

正白旗協領署在東門大街佐領署在東門大街

鑲紅旗協領署在河西街佐領署在狀元坊

正紅旗協領署在東門大街佐領署在德政橋

鑲藍旗協領署在水關閘河邊佐領署在渡尾街

正藍旗協領署在武安橋河邊佐領署在武安橋河邊

防禦署八所俱在旗汛口內

筆帖式署一在仙塔街小花園一在舊閘縣口一在澳橋邊

三江口水師旗營協領署在小鯉魚山佐領署二在公衙門左一在公衙

門右防禦署一在公衙門大街一在小鯉魚山頭

督標中軍中營副將署在將軍山西原提督署中軍都司署在水部門外

左營參將署在西峯里守備署在水部門外

右營參將署在都司巷守備署在水部門外

水師參將署在南門外守備署在水部門外

撫標中軍左營參將署在南營守備署在水部門外

右營遊擊署在將軍署西南大牆根守備署在水部門外

協守福州城守副將署在仙塔街清嘉慶十四年兼辦福州將軍標中軍
左軍都司署在南門外舊在懷德坊清雍正十二年移駐右軍都司署在
舊錢局兼辦軍標綠營中軍

協守閩安等處副將在閩安鎮城內

左營都司署 守備署在閩安鎮城內

右營都司署在琅崎島右港道適中處舊在閩安鎮道光六年移駐八年
建守備署在大西汛

勸農亭在府城東易俗里清雍正二年創建

貢院在治山東北宋時在譙樓東自景祐建學大比例爲集試所元祐五
年郡守柯述謀所以易之會朝廷下學及 孔子廟不得試進士之制五
月乃擇州治之東南公廨及隙地爲考校之舍外門之內監門巡鋪彌封
謄錄之所皆具是時舉士纔三千其後寢增至於五倍側肩爭門坐不容
膝紹興三十二年王尚書師心以就試人益衆奏請增考試官三員爲十